

23 OCT 1999

KOMITMEN POLITIK TERHADAP AIDS MASIH KECIL, KATA KETUA ASAP

KUALA LUMPUR, 23 Okt (Bernama) -- Perlu lebih banyak komitmen politik terhadap AIDS di beberapa negara di Asia dan rantau Pasifik, kata Dr Roy Chan Pengerusi Persatuan AIDS Asia dan Pasifik (ASAP).

"Pada persidangan ini, mari kita berusaha untuk mendapatkan komitmen politik yang lebih besar bagi perjuangan kita terhadap AIDS," katanya pada Kongres Antarabangsa Kelima berkaitan AIDS di Asia dan Pasifik, di sini. Teks ucapan beliau dibacakan oleh wakilnya Dr Clement Malau.

Kira-kira 3,000 peserta dari 67 negara menghadiri seminar lima hari itu, yang dianjurkan oleh Majlis AIDS Malaysia dengan sokongan Kementerian Kesihatan.

Chan juga meminta kerajaan untuk berusaha agar pesakit AIDS lebih mudah didekati oleh masyarakat.

"Kata-kata "Kami tidak mampu" tidak lagi boleh diterima. Kerajaan mesti memastikan perlunya pesakit AIDS sihat dan menyumbang kepada masyarakat," katanya.

Roy berkata ubat-ubatan untuk pesakit AIDS perlu lebih mudah diperolehi dan harganya berpatutan.

Beliau berharap persidangan itu akan digunakan sebagai platform untuk berkongsi dan bertukar maklumat, pengalaman dan peluang untuk kerjasama antara saintis, perkerja penjagaan kesihatan, kerajaan dan pertubuhan bukan kerajaan (NGO).

Persidangan itu telah dirasmikan oleh Perdana Menteri Datuk Seri Dr Mahathir Mohamad.

--BERNAMA

NZ AR RI